

8. november 2017

UKA 2017/51

Pinerluffigineqarsimasunut ikiuisarnitta ilaatigut eqqugaasunik siunnersuisarnermik pilersitsinikkut qanoq pitsanngorsarneqarsinnaaneraniq apeqquteqaat aallaavigalugu oqallinnissamik siunnersuut.
(Inuit Ataqtigiit Inatsisartuni ilaasortaataat)

Inuit ataqtigiit inatsisartuni ilaasortaataasa oqallisissiaanut pisarialimmut qujalluta Siumumiit makkuninnga oqalliseqataaffigerusupparput:

Inuiaqtigiit akornitsinni ajornartorsiutit imaanaangitsut isiginngitsuusaarneqarsinnaangitsut atuupput. Taakkualu ilagaat pinerlineqarsimasut imminnullusooq "paarisussanngorlugit" inissittaratsigit. Patsisaasut tassunga arlalippassuusinnaagaluartut apeqqutit pingaarnertut makkua erserput:

Pineqaatissiisoqareeraluarpalluunniit pinerlineqartumut apeqqutinik imaanaangitsunik akissutissarsiorfinngortarpoq. Sooq taamak pivaanga? Sooq paniga/ertera taamak pivaa? Sooq anaanaga/ataataga taamak pineqarpa? Inuuneq qanoq naleqarami? Apeqqutillu allat ilaqtariit nunaqqataasulluunniit eqqugaanermiini apeqqutigisinnaasaat.

Pinerliisoqartillugu qanigisat tassaapput saaffissat tapersersuisussat qaninnerpaat - pissutsilli aalajangersimasut ilaatigut tamanna aporfeqartikkaangassuk kina/kikkulluunniit saaffissaassappat?

Nunaqarfiit illoqarfiilluunniit mikissusii aporfiginagit pinerliivigineqarsimasup saaffissaa pisussaaffigaarput qulakkiissallugu. Akuerisinnaanngilarpummi pinerliisoqartillugu pinerliisup kisiat sammivilimmik ukkatarineqartarnera pinerlineqarsimasullu meeranngusinnaasup taassumaluunniit ilaqtai naammangitsumik ikiorneqartarneri.

Katsorsaasut / ikiuttussallu kikkussappat?:

Ilaqtariit siunnersorteqarfiat; piffiit ilaani ilaqtariinnut siunnersuisarfeqarpoq ilaannilu peqarani. Nukittorsarneqarsinnaavoq ikiuutigasuartunik angalasartunik

[Qimarnguiit](#); piffiit ilaanni illoqarfinniunerusoq ingerlapput illoqarfinnili mikinerusuni nunaqarfinnilu saaffissanik qulakkeerinnittoqartariaqarluni. Qularnangilaq inuit ilaqtariillu akunnerminni nanertuuteqartunik ikorfartuineq ingerlanneqarmat taakkuali qulakkeertariaqarpagut minnerpaamik tarnikkut katsorsaasunik tikinneqartarnissaat. Minnerunngitsumik meeqqat imminnut illersorsinnaangitsut pinerullugit.

[Saamaasseqatigiinneq](#) aqutissaava?; tamanna ukiorpassuarni periarfissaagaluartoq Qularnangitsumillu ilaatigut iluaqutitaqartarsimassasoq taamaattoq qulakkeerneqacquarput saamaasseqatigiinnissaq aqutissaatillugu piffiit tamarmik qulakkeerneqarnissaat. Assersuutaasinnaavoq pinerluuteqarsimasoq nunaqarfimminit erngerluni peerneqartarmat pinerlineqartulli annerusumik qiviarneqassanatik. Soorlu assersuutaasinnaalluni piffinni mikisuni aallaasersortoqartillugu. Apeqqutini taamak ittuni [ikiorsiigasuartartunik](#) pilersitsisoqarsinnaavoq inuit eqqissiviilliornerini pigasuarsinnaasut soorlu tamanna ilinniarfiit ilaanni atugaasoq.

[Atuarfik](#); meeqqat atuarfiat qanoq ilanngunneqassava? Meeqqat atuarfiata ingerlanneqarnissaanut aalajangersakkat innersuussutigaarput. Taamaattorli soqutiginaateqarsinnaasutut isigaarput angajoqqaat ikiorsiigasuartussallu peqatigalugit ingerlaavartumillu katsorsarneqarnissaq siunertaralugu tamatigut pilersaarusiortoqartassasoq qulakkeerneqartassallunilu

[Meeqqeriviit](#) qanoq ilanngunneqassappat? Meeqqeriviit ingerlanneqarnerannut malitassat innersuussutigiitigalugit atuarfimmituulli taasatsinni qisuariarfissat qulakkeeriniffigeqqunaqaat.

Taamak oqaaseqarluta oqallisisigisatta ingerlariaqqinnissaa pissangagalugu peqataaffigissavarput.

Pitsi Høegh, Siumut